

JAVNI POZIV *za Osnovnu obuku službenika/ca za mlade iz Federacije Bosne i Hercegovine*

Na osnovu člana 19. Zakona o organizaciji uprave u FBiH („Službene novine FBiH“, br.35/05), člana 12. Zakona o mladima FBiH („Službene novine FBiH“, br. 36/10), i Pravilnika o procedurama obuke i certificiranju službenika/ca za mlade Federalnog ministarstva kulture i sporta, **Institut za razvoj mladih KULT**, u partnerstvu s Federalnim ministarstvom kulture i sporta, poziva lokalne i kantonalne službenike/ce za mlade iz Federacije Bosne i Hercegovine, te one koji to žele postati, da se prijave na učešće u certificiranoj Osnovnoj obuci za službenike/ce za mlade (u daljnjem tekstu: obuku) u skladu s Pravilnikom o procedurama obuke i certificiranju službenika/ca za mlade.

Po javnom pozivu bit će odabrano 25 polaznika/ca iz BiH za obuku službenika/ca za mlade, u skladu s dolje navedenim kriterijima.

O obuci

Obuka službenika/ca za svrhu ima da se polaznici/e osposobe za samostalno obavljanje poslova službenika/ca za mlade stjecanjem certifikata o znanju o politici prema mladima i radu s mladima, te da osobe koje u državnoj službi obnašaju ili imaju namjeru obnašati funkciju i poslove službenika/ca budu stručno osposobljene za rad s mladima uz posjedovanje stručnih kompetencija i certifikata neophodnih za obavljanje te pozicije u organu državne službe.

- Program osnovne obuke sastoji se od 120 radnih sati raspoređenih u pet obaveznih modula obuke. Pored toga, obuka sadržava zadaću, studijske posjete i pismeni ispit. Svi moduli traju po 5 radnih dana (ponedjeljak – petak).
- Obuka ima interaktivan metodološki pristup kroz koji polaznici/e imaju priliku dijeliti iskustva i dati sugestije za razvoj obuke. Svaki modul uključuje teorijski dio, primjenu znanja u okviru programa obuke i praktični rad.
- Termini održavanja modula će biti objavljeni i na web-stranici Instituta (www.mladi.org).
- Polaznik/ca koji učestvuje u najmanje 80% programa obuke može steći certifikat.
- Program obuke pokriva troškove smještaja na bazi punog pansiona, materijal za rad i certificiranje svakog polaznika/ce. Polaznici/e i/ili institucija iz koje dolaze dužni su pokriti troškove putovanja.

Prednosti učešća

Programom obuke polaznik/ca se osposobljava za:

- saradnju i pružanje stručne pomoći mladima pri izradi projekata, osnivanje omladinskih udruženja i promoviranje omladinskog rada,
- zastupanje interesa mladih i savjetovanja mladih,
- identifikaciju problema i potreba mladih,
- koordinaciju procesa uspostavljanja i provođenja politike prema mladima na odgovarajućem nivou vlasti,
- koordinaciju između omladinskih udruženja, organa uprave i nevladinog sektora,
- afirmaciju i saradnju pri provođenju politike prema mladima sa svim bitnim subjektima - javnim ustanovama iz oblasti kulture i sporta, fakultetima, srednjim školama i drugim odjelima za mlade,
- vođenje općinskog spiska omladinskih udruženja i neformalnih grupa mladih,
- pripremanje prijedloga za finansiranje i sufinansiranje projekata između omladinskih udruženja i organa uprave,
- pripremanje izvještaja, analiza i informacija o realizaciji projekata,

- druge poslove u skladu sa Zakonom i podzakonskim aktima,
- lokalna zajednica ili nadležno tijelo za mlade na kantonalnom nivou će ispoštovati proceduru obuke i certificiranja službenika/ce za mlade propisane Zakonom o mladima FBiH (Član 12),
- tijekom obuke općina, grad ili kanton će dobiti podršku i savjetovanje za adekvatno provođenje Zakona o mladima Federacije BiH,
- službenik/ca za mlade će biti upoznat s korištenjem baze službenika/ca za mlade,
- kroz obuku polaznici/e će raditi na uspostavljanju održivog partnerstva lokalnih organizacija građanskog društva i lokalnih vlasti u cilju poboljšanja položaja mladih,
- službenicima/ama za mlade bit će pružena savjetodavna i tehnička pomoć organiziranja i uspostavljanja uspješne dvosmjerne komunikacije s mladima u lokalnoj zajednici i kantonu.

Kriteriji za prijavu

Na javni poziv se mogu prijaviti osobe koje ispunjavaju sljedeće kriterije:

1. Državni službenici/e koji rade s mladima na općinskom, gradskom ili kantonalnom nivou,
2. Druge zainteresirane osobe starije od 18 godina s najmanje srednjom stručnom spremom.

Potrebna dokumentacija

Aplikanti/ce su dužni dostaviti sljedeću dokumentaciju:

1. Popunjen prijavni obrazac (nalazi se u prilogu, a i na web-stranici www.mladi.org).
2. Ovjerenu kopiju diplome o završenom stepenu obrazovanja.
3. Izvod iz matične knjige rođenih (original ili ovjerena kopija).
4. Prijava mjesta prebivališta (original ili ovjerena kopija ne starija od tri mjeseca).
5. Pisano odobrenje za pohađanje obuke od rukovodioca/teljice organa uprave (opcija 1: ovjeren obrazac od nadležne osobe; opcija 2 : poseban dokument s odobrenjem).

Trajanje obuke

Obuka traje od maja 2020. g. do novembra 2020. g., uključujući završni ispit. Dodjela certifikata polaznicima Obuke koji je uspješno završe planirana je 5. decembra 2020. godine.

Moduli obuke će se održati u različitim gradovima u BiH sljedećem rasporedu:

Modul I – od 18. maja 2020. g. do 22. maja 2020. g.

Modul II – od 15. juna 2020. g. do 19. juna 2020. g.

Modul III – od 14. septembra 2020. g. do 18. septembra 2020. g.

Modul IV – od 12. oktobra 2020. g. do 16. oktobra 2020. g.

Modul V – od 16. novembra. g. do 20. novembra 2020. g.

Institut zadržava pravo u slučaju promjene objektivnih okolnosti promijeniti termine održavanja modula.

Prijava

Sva potrebna dokumentacija treba pristići najkasnije do **27. aprila 2020. g. poštom ili lično** na adresu:

Institut za razvoj mladih KULT
17.01.0-N2.1-4601
4. viteške brigade 34-36
71210 Ilidža

Napomena: Molimo kandidate/kinje da se također prijave i preko online prijavnog obrasca najkasnije do 27. aprila 2020. g. do 16:00 sati, bez popratne dokumentacije. Link za online prijavu je: <http://mladi.org/myURL/obukasz2020>.

Aplikacije koje ne pristignu do naznačenog roka neće se razmatrati. Institut za razvoj mladih KULT će sve prijavljene kandidate/kinje obavijestiti o ishodu, najkasnije do 4. maja 2020. g.

Sa svim odabranim polaznicima/ama bit će potpisan ugovor o učešću u obuci.

Dodatne informacije

U slučaju potrebe za dodatnim informacijama ili pojašnjenjima, aplikanti se mogu obratiti do **24. aprila 2020. g.** na broj telefona 033 778 763 ili na mirela.ajanovic@kultbih.org (s nazivom emaila: Javni poziv, 17.01.0-N2.1-4601).

Sve dodatne informacije o obuci i javnom pozivu se mogu naći na web-stranici Instituta: www.mladi.org

Uz podršku
Federalnog ministarstva kulture i sporta i Švedske ambasade u Bosni i Hercegovini